



SLUŽBENE NOVINE

KANTONA SARAJEVO

Godina XIX – Broj 8

Četvrtak, 6. marta 2014. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), Vlada Kantona Sarajevo, na 23. vanrednoj sjednici održanoj 27.02.2014. godine, donijela je

ODLUKU

Član 1.

Odobrava se unos više stvorenih obaveza pojedinih budžetskih korisnika koji prelaze iznose odobrene u Budžetu Kantona Sarajevo za 2013. godinu, što je sadržano u Izvještaju o popisu sredstava, obaveza i potraživanja Kantona Sarajevo za 2013. godinu, usvojen Zaključkom Vlade Kantona Sarajevo, broj 02-05-3816-1/14 od 26.02.2014. godine.

Član 2.

Ministarstvo finansija je obavezno poduzeti aktivnosti za realizaciju Zaključka Vlade Kantona Sarajevo iz člana 1. ove Odluke, po Izvještaju Centralne popisne komisije.

Član 3.

Za provođenje ove Odluke zadužuju se ministarstva, uprave i službe, svako u okviru svoje nadležnosti.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-4072-1/14
27. februara 2014. godine
Sarajevo

Premijer
Suad Zeljković, s. r.

Ministarstvo privrede

Na osnovu člana 22. stav (6) Zakona o šumama Kantona Sarajevo ("Službene novine Kantona Sarajevo", broj 5/13) ministar privrede Kantona Sarajevo, donosi

PRAVILNIK

O OBIMU MJERA ZA USPOSTAVLJANJE I ODRŽAVANJE ŠUMSKOG REDA I NAČIN NJIHOVOG PROVOĐENJA

Član 1.

(Predmet)

- (1) Ovim pravilnikom reguliše se sprovođenje i trajno održavanje šumskog reda u svim šumama na području Kantona Sarajevo.

- (2) Pod šumskim redom podrazumijeva se sprovođenje mjera u cilju sprječavanja pojava požara, štetnih insekata i biljnih bolesti, sprječavanja štetnog dejstva vjetra, snijega i drugih elementarnih nepogoda, oštećivanja stabala prilikom sječe i izvoza šumskih drvnih sortimenata, kao i mjere za zaštitu podmlatka i zemljišta.

Član 2.

(Zabrana odlaganja)

U šumi, na šumskom zemljištu i u neposrednoj blizini do 100 m od ruba šume, zabranjeno je odlaganje i paljenje smeća, piljevine i pilanskih otpadaka kao i drugih otpadaka ili zagađujućih tvari.

Član 3.

(Sječa sanitarnih užitaka)

- (1) Sva živa, a zaražena i insektima napadnuta, veoma oštećena ili izvaljena stabla (sanitarni užitci), moraju se posjeći, izraditi i izvući najkasnije u roku od 21 dan, uz uspostavljanje pripisanog šumskog reda.
- (2) Sječu i izradu sanitarnih užitaka nastalih u toku zime treba izvršiti najkasnije do 30. aprila, a sječu i izradu sanitarnih užitaka nastalih poslije navedenog perioda izvršiti do kraja tekuće godine.

Član 4.

(Način obaranja stabala)

- (1) Prilikom sječe, stabla se moraju obarati u onom smjeru gdje će pričiniti najmanje štete na podmlatku, susjednim stablima i zemljištu.
- (2) Na strmim terenima, stabla se moraju obarati uzbrdo osim kada to nije moguće zbog položaja ili rasporeda dubećih stabala. Pravac obaranja takvih stabala doznačar je dužan obilježiti strelicom.
- (3) Prije sječe stabala koja se nalaze u mladcima, obavezno je kresanje grana sa donjih dijelova krošnje.

Član 5.

(Koranje oblovine i slaganje granjevine)

- (1) Koranje oblovine i panjeva posječenih stabala četinarara i brijesta obavezno je u vremenu od 1. aprila do 1. novembra tekuće godine.
- (2) Ako se oborena stabla četinarara i brijesta mogu izraditi i izvesti iz šume i sa šumskog stovarišta u roku od 21 dan, korisnik šuma i šumskog zemljišta u državnom vlasništvu i vlasnici privatnih šuma, mogu odlučiti da ne vrše koranje oblovine.

- (3) Korisnici šuma i šumskog zemljišta, odnosno izvršilac stručno-tehničkih poslova u privatnim šumama obavezni su Kantonalnoj upravi za inspekcijske poslove - Šumarskoj inspekciji i Ministarstvu privrede Kantona Sarajevo - kantonalnoj upravi za šumarstvo (u daljem tekstu: Upravi) mjesečno dostavljati spisak odjela (katastarskih čestica za privatne šume) za svako šumsko privredno područje gdje se ne vrši koranje oblovine posječenih stabala četinarima i brijesta iz stava (2) ovog člana.
- (4) Granje i ovršci (prečnik debljeg kraja ispod 7 cm) kao i kora četinarima moraju se složiti u gomile-gromade, tako da se deblji krajevi grana okreću unutar gomile-gromade.
- (5) Zabranjeno je formiranje gomila-gromada na mjestima gdje postoji podmladak, uz živa dubeća stabla, u vodotocima, iznad izvorišta vode i na udaljenosti manjoj od 10 m od saobraćajnica.
- (6) Granje i ovršci (prečnik debljeg kraja ispod 7 cm) lišćara moraju se skratiti na dužine do jednog metra i ravnomjerno razbacati po sječini, vodeći računa o podmlatku, vodotocima i izvorištima vode.

Član 6.

(Zabrana saganja prostornog drveta)

Zabranjeno je saganje prostornog drveta uz živa, dubeća stabla i na mjestima gdje postoji podmladak, u vodotocima i iznad izvorišta vode.

Član 7.

(Visina panja)

- (1) Visina panja može iznositi najviše jednu trećinu promjera panja.
- (2) Mjerenje visine panja na strmom terenu se vrši sa gornje strane panja-terena.
- (3) Dijelovi pojedinih stabala od kojih se ne mogu izraditi šumski drveni sortimenti, prerezuju se na nekoliko dijelova i osiguravaju od pomijeranja, a kod četinarima i brijesta obavezno se vrši skidanje kore.

Član 8.

(Upotreba goriva i maziva)

Prilikom sječe i izrade šumskih drvnih sortimenata motornim pilama, dozvoljena je upotreba samo ekološki prihvatljivih, biorazgradljivih ulja i maziva.

Član 9.

(Izvoz šumskih drvnih sortimenata)

- (1) Izvoz šumskih drvnih sortimenata od panja do šumskog stovarišta mora se vršiti po prethodno obilježenim i izgrađenim izvoznim vlakama.
- (2) Korisnici šuma dužni su planirati i graditi izvozne vlake izvan vodotoka i izvan izvorišta, odnosno zaštitnih zona oko vodotoka i izvorišta.
- (3) U slučaju da je neophodno da izvozna vlaka prelazi vodotok korisnici šuma dužni su napraviti improvizovane prelaze koje će ukloniti po završetku izvoza šumskih drvnih sortimenata.
- (4) U izuzetnim slučajevima ukoliko nema drugih mogućnosti izvozna vlaka može ići vodotokom, a korisnik šuma će radove izvoditi u toku zimskog perioda kada su niske temperature (mraz, led).
- (5) Zabranjeno je sa sredstvima za izvoz šumskih drvnih sortimenata silaziti sa obilježenih izvoznih vlakana.
- (6) Izvozne vlake moraju biti projektovane i izgrađene tako da se nikako ili minimalno oštećuju dubeća stabla, podmladak ili zemljište, a na mjestima gdje to nije moguće, obavezno je zaštićivanje stabala, podmlatka improvizovanim preprekama (zalozi).
- (7) Na strmim i teškim terenima, gdje ne postoji mogućnost drugačijeg kretanja drveta izuzev tumbanja i lifranja, moraju se poduzeti odgovarajuće mjere postavljanjem improvizovanih prepreka (zalozi) u cilju zaštite dubećih stabala i podmlatka.
- (8) Lagerovanje oblovine i cijepanih sortimenata dozvoljeno je samo na mjestima predviđenim projektima za izvođenje radova u eksploataciji šuma.

- (9) Nakon završetka radova na izvozu šumskih drvnih sortimenata iz odjela, izvođač je dužan sanirati i konzervirati izvozne vlake.

Član 10.

(Primanje šumskih drvnih sortimenata)

- (1) Primanje šumskih drvnih sortimenata u sječi može se vršiti tek nakon uspostavljanja šumskog reda u skladu sa čl. 3., 4., 5., 6. i 7. ovog pravilnika.
- (2) Eventualno poremećen šumski red izvozom šumskih drvnih sortimenata mora se ponovo uspostaviti i trajno održavati.

Član 11.

(Primanje i numerisanje panjeva od bespravnih sječa)

Uprava je dužna primiti i numerisati panjeve od bespravnih sječa i zvesti ih u odgovarajuće knjige šteta.

Član 12.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-01-02-1847/14

25. februara 2014. godine

Sarajevo

Ministar

Mr. sci. **Emir Hrenovica**, s. r.

Na osnovu člana 33. stav (2) Zakona o šumama Kantona Sarajevo ("Službene novine Kantona Sarajevo", broj 5/13), ministar privrede Kantona Sarajevo donosi

PRAVILNIK**O NAČINU PRAĆENJA ZDRAVSTVENOG STANJA ŠUMA**

Član 1.

(Predmet)

Ovim pravilnikom propisuje se način praćenja zdravstvenog stanja šuma, te uslovi, rokovi i način obavještanja o pojavi štetočina i nastaloj šteti u šumi i na šumskom zemljištu.

Član 2.

(Praćenje zdravstvenog stanja šuma)

Ministarstvo privrede Kantona Sarajevo putem kantonalne uprave za šumarstvo (u daljem tekstu: Uprava), Kantonalno javno preduzeće za gospodarenje državnim šumama "Sarajevo-šume" d.o.o. Sarajevo, Kantonalna javna ustanova za zaštićena prirodna područja Kantona Sarajevo, i pravna i fizička lica koja su upisana kao vlasnici šuma (u daljem tekstu: korisnici šuma) dužni su da kontinuirano prate zdravstveno stanje šuma i obim šteta u šumama, te o tome izvještavaju, općine i javnost.

Član 3.

(Rok za dostavu izvještaja)

- (1) Izvještaj o pojavi i suzbijanju štetočina i biljnih bolesti i nastalim štetama u šumi i na šumskom zemljištu korisnici šuma i šumskog zemljišta dostavljaju Upravi.
- (2) Godišnji izvještaj dostavlja se svake godine do 30. januara za prethodnu godinu.
- (3) Povremeni izvještaj dostavlja se u toku godine, i to odmah po primijećenju pojavi štetočine ili biljne bolesti.
- (4) Izvještaje o pojavi i suzbijanju štetočina, kao i nastalim štetama u šumi i na šumskom zemljištu, Uprava objedinjuje i dostavlja Ministarstvu privrede Kantona Sarajevo.

Član 4.

(Sadržaj godišnjeg izvještaja)

- (1) Godišnji izvještaj iz člana 3. stav (2) ovog pravilnika sadrži podatke o:
 - a) lokaciji pojave,
 - b) vrsti drveta,
 - c) vrsti biljne bolesti ili štetočine,
 - d) intenzitetu napada,
 - e) zahvaćenoj površini,
 - f) preduzetim mjerama suzbijanja i njihovim rezultatima,
 - g) vrsti i količini utrošenih pesticida i
 - h) ukupnim troškovima suzbijanja.
- (2) Godišnji izvještaj se dostavlja na Obrascu 1. koji se nalazi u Prilogu ovog pravilnika i čini njegov sastavni dio.